

## Bae Hem I Gohed Blong Kilim Woman Blong Hem O No?

[Fo akta oli stap ron I kam long acting aria.]

Yes!

Hemi kasem numba ia!

Mi bin save se bae I happen olsem!

Mi bin fraet se ol sem man bae oli go insaed bakegen.

Be ino olsem!

Yumi win!

Yumi win ia!

Kandidate blong yumi hemi go tru!

Bae hemi kam wan MP nao!

Nuifala govman

Bae oli sidaon long parleman!

Bae fulap samting I jenis!

Fulap samting!

Ol rabis fasin blong bifo

Bae oli finis nao!

Bae ol bigman oli nomo stihlim ol mane blong koantri!

Pem ol nuifala truk blong draev krankge olbaot long taon ia!

Westem mane blong nating!

Rafem yumi!

Wan nuifala de I stap finis!

Wan nuifala de!

Bae yumi gat wan nuifala rod blong folem!

Stret rod ia!

Laef blong yumi ol man mo woman

Bae I jenis!

Bae I jenis!

Bae I jenis!

[Wan woman hemi wokbaot I kam mo hemi lukim olgeta we oli stap  
danis raon mo singaot. Ol akta oli goahed blong stori.]

Akta 1: Bae hemi nomo gat janis blong fulumap poket blong hem wetem  
mane blong kaontri ia!

Tija: Hemi sek we hemi sek taem we oli ridim aot ol numba! Hemi ting se hem  
yes!

Akta 1: Bae hemi finis nao! Fia blong hem I ded!

Tija: Bae polis oli afterem hem from ol mane we hemi bin stihlim taem we  
hemi bin stap long ministry ia!

Akta 3: Bae oli surem hem long kalabus!

John: Ale bae yumi go dring wan sel! From nuifala govman ia!

Tija: Ale! Bae yumi go!

Lisa: John!

John: Olsem wanem woman?

Lisa: Yu gat 300? Mi wantem pem raes, blong sava.

John: Mi kivim mane long yu finis! Yu stap mekem wanem wetem ol mane ia?

**Macintosh**

**HD:Users:alison:Desktop:WSB.org:S**

**CRIPTS for web:Bae Hem I**

**Gohed? doc**

Lisa: Kakae I sas tumas. Mi no gat enaf mane blong pem raes. M save kukum manioc be yu yu wantem kakae raes nomo afta we yu drink kava.

John: Inaf!

Tija: Lisa yu oraet?

Lisa: Mi oraet..

Tija: Gel blong yutufala hemi wan bes student blong mi! Hemi save wok ia!

Lisa: Hemi wan gudfala gel.

Tija: Okay.. bae mifala i go dring wan sel festaem..

Akta 3: Olsem wanem John? Bae yu kam?

John: Bae mi jes folem yufala. **[Ol man oli stap go aot nao.]**

Tija: Lukim yu antap John..

**[Oli go aot be John, hemi stap. Hemi stap lukim woman blong hem.]**

John: Fromwanem nao yu kam askem mane long fored blong ol fren blong mi?

Lisa: Mi no wantem se yu stap kros taem we yu kam bak long haos.

John: Yu no save mekem olsem taem we mi stap wetem ol fen!

Lisa: Mi no minim...

John: Mi stap kivim mane long yu evri wik! Evri wik! Yu wantem se ol man oli ting se mi no stap lukaotem famili?

Lisa: No John...

John: Yu no mekem fasin ia bakegen! Yu harem?

**[John hemi wokbaot I go. Lisa hemi wajem hem gogo hemi leko acting aria, afta hemi wokbaot I go raon long acting aria olsem we hemi stap harem no gud. Singing I stat.]**

Singing:

Oli talem se ol samting bae I jenis  
 Oli talem se ol rabis fasin bae I finis nao  
 Be olsem wanem long laef  
 Blong man mo woman?  
 Olsem wanem long laef  
 Blong man mo woman?  
 Man nao hemi bos blong haos  
 Hemi strong mo hemi gat paoa  
 Sapos we hemi kros  
 Han blong hem I fli  
 I stap semak olsem  
 Oli talem se ol samting bae I jenis  
 Oli talem se ol rabis fasin bae I finis nao  
 Be olsem wanem long laef  
 Blong man mo woman?

**[Ol man oli kam insaed mo oli mekem olsem we oli stap pem kava. Oli dring mo spet olbaot.]**

Akta 3: Ia John! Woman blong yu hemi afterem yu from?

Tija: Hemi no glad se yumi stap dring kava. Yu save fasin blong ol woman, oli stap komplain from kava oltaem nomo.

John: Bae hemi no save tok long mi. Mi nao bos blong haos, ino hem!

Akta 3: Hemia nao problem! Fulap woman tede.. oli stap toktok tumas! Oli ting

**Macintosh**

**HD:Users:alison:Desktop:WSB.org:S  
 CRIPTS for web:Bae Hem I  
 Sched? doc**

se olgeta yes! Oli nomo wantem save long ol man blong olgeta.

Tija: From famili protekson bill ia!

John: Famili Protekson bill?

Tija: Las govman I bin pasem famili protekson bill. Oli bin wantem karem ol vot blong ol woman ating.

Akta 3: Mi harem nuis blong bill ia finis.. bill ia hemi stap kivim raet long ol woman! Bae I spolem no gud yumi ol man.

John: Be hemi talem wanem?

Tija: Bill ia hemi talem se wan man ino save kilim woman o pikinini blong hem. Sapos we hemi mekem olsem, woman I save go stret long kot mo karem wan oda.. Mo polis nao I save afterem man blong hem!

John: Sapos we mi slapem woman blong mi, bae hem i save karem mi I go long kot?

Tija: Hemia nao! Bill ia hemi stoppem yumi ol man blong disiplinim famili! Bae ol woman oli save folem rod nomo nao.

John: Ol politician oli krankge! Oli wantem pasem wan bill olsem from?

Tija: Blong karem vot nomo! Yu save fasin blong ol finis. Haf long ol I no even save rid.

Akta 3: Ol jioj lida oli no bin laekem nating! Long bibol I stap talem se sapos we yumi no kilim ol pikinini blong yumi. Bae yumi spolem olgeta nao!

Tija: Hemia nao! Ol yangfala tede oli stap go no gud olgeta. Sapos we yumi no kilim ol, hao nao bae oli save lanem wanem ia respek?

Akta 3: Bae yumi dring wan mo sel.. kaen olsem I stap mekem mi mi kros we..

**[Oli wokbaot igo aotsaed. Wan yangfala gel hemi kam insaed. Gel ia hemi stap ridim wan buk. Lisa hemi wokbaot I kam wetem wan basket kakae afta hemi stat blong pilim wan stampa blong manioc. Gel hemi lukim Lisa mo hemi putum buk I go daon.]**

Elsie: Mummy.. bae yu talem wan storian long mi.

Lisa: Storian?

Elsie: Plis Mummy!

Lisa: Yu bigwan finis! Mi stap wokem kakae ia! Raedim buk blong yu..

Elsie: Mi lez long buk ia.

Lisa: Yu bae yu raedem flatem ol skul buk blong yu Elsie! Mi stap tok strong long papa blong yu, blong mekem se hemi go ahed blong pem skul fee.. Hemi no wantem nating! Hemi stap talem se bae yu maret ino longtaem. Bae yu go wok blong famili blong man blong yu nomo nao.

Elsie: Mi laekem skul blong mi Mummy..

Lisa: Tija blong yu hemi talem se yu nao wan top student blong hem.

Elsie: Yu luk hem wotaem?

Lisa: Tede long aftanun. Hemi bin stap wetem Daddy..

Elsie: Talem wan storian long mi.. plis Mummy! Yu save go ahed blong mekem wok blong yu mo talem storian sem taem.

Lisa: Storian blong wanem?

Elsie: Wan storian .. blong bifo I stap. Wan kastom stori!

Lisa: Yu olsem wan smol pikinini nomo!

Elsie: Mummy...

Lisa: Okay.. Bae mi pilim manioc ia mo bae mi talem wan storian..

Elsie: Saed long wanem?

### Macintosh

**HD:Users:alison:Desktop:WSB.org:S  
CRIPTS for web:Bae Hem I  
Sched? doc**

Lisa: Bae yu lisen! Afta bae yu finemaot!

Elsie: Oh yes..

Lisa: Longtaem we longtaem we I pas.. I bin gat wan yangfala gel .. we hemi pikinini blong wan bigfala jif..

**[Tufala oli freeze I stap mo ol narafala akta be ino John, oli kam insaed. Oli pikimap Elsie blong joinem ol be Lisa hemi go ahed blong talemaot storian olsem we Elsie hemi stap silip long graon ia iet.]**

Lisa: Gel ia hemi bin gat wan kastom man blong hem. Hemi boe blong wan bigman long tribe ia. **[Boe ia nao hemi stanap long fored.]** Boe ia hemi naes. Han blong hem I strong mo hemi wan man blong wok! **[Boe hemi go ahed blong wok nao.]** Be I gat wan samting nomo we I mekem se gel ia ino wantem hem... **[Wan man hemi laf. Boe ia hemi luk hem mo hemi fiap.]**

Boe: Yu stap laf long wanem? Ah? Wanem I fani?

Man 1: No gat samting..

Boe: Lukaot! **[Hemi slapem man ia mo afta hemi laf.]**

Chorus: Eni smol smol samting

Be han blong hem I fli!

Man ia hemi denga!

Ol narafala man oli fraet blong mekem hem i kros

Hemi yangfala nomo

Be ol olfala oli no save tok long hem

Be boe ia

Hemi kastom man

Blong yangfala gel ia

Mo bae ino longtaem

Bae ino longtaem nating

Hemi mas maretem hem!

**[Boe ia hemi stanap mo hemi lukim gel ia. Gel hemi harem no gud tru.]**

Man ia bae hemi kilim no gud hem we

Bae laef blong hem I olsem wanem

Wetem wan kaen man olsem?

Bae hemi no save longtaem.

Gel ia hemi stap harem no gud

Hemi stap kri long naet

Be wan de

Wan tingting I kam long hem!

Gel: Ah yes!

**[Hemi jump antap olsem we hemi glad, mo afta hemi ron I go aot harriap. Ol narafala akta oli kam olsem ol wud naoia. Mo gel ia hemi wokbaot I kam insaed bakegen.]**

Bae hemi go finem olfala woman ia

We hame save evri lif long bus

We hemi save evri rut mo wud

Mo hao nao oli save sevem laef blong man

Gel ia bae hemi finem hem

Mo bae auntie ia

**Macintosh**

**HD:Users:alison:Desktop:WSB.org:S**

**CRIPTS for web:Bae Hem I**

**Sched? doc**

I save sevem laef blong hem!

[John hemi wokbaot I kam insaed. Elsie hemi sek no gud we. Ol narafala akta we oli stap long stage oli mov slo slo i go aot. Lisa hemi stanap mo hemi John hem pusum Elsie I go aot long rod blong hem mo hemi wokbaot kasem Lisa mo hemi pulum hem igo behaen long bakdrop. Elsie hemi koveremap sorae blong hem mo hemi sidaon. Tija wetem ol narafala akta, ino John o Lisa, oli kam insaed. Tija hemi stap raet long blakbod.]

Tija: Okay.. [Hemi tonem hem blong fesem klas ia.] Yumi gat fulap wok blong wokem tede. Mi wantem se yufala evriwan I revis gud.. maet sam long yufala I gat janis blong pasem klas 8 exam ia mo go long wan long ol bigfala secondary skul ia.. Sapos yu wantem go ahed wetem skul blong yu, yu mas wok had tru... ale bae yu mekem ol wok ia we istap long blakbod.. Bae yu traem flatem evri kweston we I stap long nexis 20 minutes! Ale...

[Ol pikinini oli stat blong raet be ino Elsie. Elsie hemi stap sidaon nomo. Olsem we hemi no harem toktok blong Tija ia.]

Tija: Elsie! Yu no bin harem mi?

Elsie: Sori tija...

Tija: Bae yu anserem ol kweston we istap long blak bod ia.

[Elsie hemi pikimap pen blong hem mo hemi stat blong raet. John mo Lisa oli toktok behaen long bakdrop.]

John: Yu ting se yu save tok long mi!

Lisa: Leko mi John..

John: Yu wantem mekem mi mi sem?

Lisa: No!

Chorus: Ol toktok blong las naet  
I stap long hed blong hem  
Hemi stap lukim  
Evrising we I bin happen bakegen.  
Hemi olsem we  
Wan video I stap ple oltaem  
Long hed blong hem.

Elsie: No!

Tija: Wanem ia Elsie? [Hemi wokbaot go kasem Elsie nao.] Weam wok blong yu? Yu anserem hao mas kwestion finis?

Elsie: No gat tija...

Tija: Yu no harem toktok blong mi? Mi talem se yum as mekem wok ia hariap.

Elsie: Mi.. sori. Mi no save hao blong mekem wok ia.. [Ol pikinini oli laf nao.]

Tija: Yu wan long ol bes student blong mi Elsie! Yu save hao blong mekem wok ia! Fromwanem nao yu stap lez olsem?

Elsie: Mi no stap lez tija.. mi wantem wok be..

Tija: Yu sik?

Elsie: Hed blong mi I so.

Tija: Mo gud yu go bak long haos mo spel. Yu karem pepa ia.. wetem ol kwestion ia long hem. Mekem wok ia long haos, mo karem I kam bak taem we yu harem gud bakegen.

[Elsie hemi pikimap ol buk blong hem sloslo. Ol narafala akta we oli plem ol pikinini oli stap luk hem mo oli stap toktok tugeta mo laf.]

**Macintosh**

**HD:Users:alison:Desktop:WSB.org:S  
CRIPTS for web:Bae Hem I  
Cahed? doc**

**Elsie hemi tonem hem mo hemi stanap mo mekem olsem we hemi stap wokbaot I go aot noa. Ol narafala akta oli girap mo leko acting aria be oli stap tokbaot hem sem taem we oli stap go aot. Lisa hemi wokbaot I kam insaed. Hemi gat wan kaliko long han blong hem, mo hemi koveremap eye blong hem wetem wan kaliko bakegen.]**

Lisa: Yu kam bak erli olsem from?

Elsie: Mummy!

Lisa: Bae mi oraet.

Elsie: Fromwanem nao Daddy hemi kilim no gud yu?

Lisa: Hemi stap kros.

Elsie: Ino gud Mummy! Ino stret...

Lisa: Bae mi mekem wanem? Hemi olsem nao. [**Hemi stanap mo hemi luk luk raon.**] Mi no save mekem ol wok blong mi nating. Han blong mi ino gud.

Elsie: Mi bae mi mekem wok blong haos tede..

Lisa: Olsem wanem long wok blong yu Elsie? Yu gat skul wok blong wokem.

Elsie: Mi no gat skul wok blong wokem. [**Hemi karem brum mo hemi brumem yad ia.**]

Lisa: Bodi blong mi I soa we isoa. [**Hemi sidaon daon.**]

Elsie: Daddy hemi no sud kilim yu..

Lisa: Swipim ol lif longwe Elsie! Sakem ol lif raon long mango.

Elsie: Hao nao hemi spolem han blong yu?

Lisa: Hemi .. yu no wari long hem Elsie.. Bae mi oraet ino longtaem. Bae yu wasem ol klos longwe..

Elsie: Han blong yu I brok Mummy?

Lisa: Mi no save. [**Elsie hemi wokbaot I go kasem Lisa. Hemi tekem aot kaliko long han blong hem.**]

Lisa: Lukaot!

Elsie: I swelap we! Bae yu go long hospital Mummy.

Lisa: Bae Daddy hemi kros sapos mi westem mane blong bus .. afta pem hospital bakegen. Yumi no gat mane ia.

Elsie: Fromwanem nao Daddy hemi stap mekem fasin olsem Mummy. Yu no stap mekem eni samting I no gud. Yu nao yu stap lukoatem mifala..

Lisa: Yu go was Elsie. Yu go wasem ol klos!

**[Elsie hemi girap mo hemi wokbaot I go kasem narasaed blong acting aria. Lisa hemi girap mo hemi go aot. Elsie hemi go from wan hip klos we I stap kolosap long bakdrop. Hemi tekem long fored blong acting aria mo wan sori musik istap ple behaen. Elsie hemi stap wasem ol klos nao mo chorus hemi stat blong toktok.]**

Singsing:

Yu wantem nomo se Mummy blong yu

Hemi no stap sava

Yu wantem nomo

Se yu nao yu save giv han long hem

Be yu wan yangfala gel nomo

Yu no gat paoa

Yu no wantem luk Mummy blong yu hemi safa

Bae Daddy hemi kam bak tunaet

Bae kros blong hem I stap iet ono

**Macintosh**

**HD:Users:alison:Desktop:WSB.org:S  
CRIPTS for web:Bae Hem I  
Cahed? doc**

Plis letem evrisamting I oraet  
 Bae hemi nomo kilim hem  
 Bae hemi lanem blong tok slo  
 Yu stap drim long wan difren laef  
 We ino gat raorao long hem.

Elsie: Mummy! Bae yu no save talemaot end blong storian ia long mi? Stori we yu stap talemaot yestede?

Lisa: No Elsie! Bae mi go silip long bed festaem! [**Hemi girap mo hemi wokbaot I go olsem we bodi blong hemi so we I so. Elsie hemi go ahead blong was. Chorus hemi kam insaed mo tekemap position blong ol wud ia.**]

Elsie: Gel ia ..hemi bin fesem wan had taem stret. Kastom man blong hem.. wan rabis man tru! Hemi olsem Daddy blong mi nomo. Hemi stap kros oltaem! Hemi save hao blong kilim man nomo! Be gel ia hemi bin gat wan tingting.. hemi bin save wan olfala woman..  
 [**Elsie hemi tonem hem mo hemi wokbaot I go kasem bus ia. Hemi luk luk tru long ol han blong wud mo hemi singaot olsem we hemi stap fraet smol.**]

Gel: Auntie! Auntie oh! Auntie! Yu stap samples? Mi wantem toktok wetem yu! Plis kam! Auntie oh! Mi nidim kiv han blong yu!  
 [**Ol han blong wud ia oli stat blong sek sek mo guitar I plem wan not we I mekem man I seksek.**] Oh no! [**Gel hemi tonem hem mo hemi stat blong ronwe.**]

Auntie: Wanem ia?

[**Gel ai hemi stap kwiet. Bus I lus.**]

Auntie: Hu I stap singaot krangke olbaot long ples ia?

Gel: Mi ia nao, Auntie!

Auntie: Yu?

Gel: Mi stap long wan bigfala problem..

Auntie: Bigfala problem?! Yu wekemap mi from samting ia nao?

Gel: Sori Auntie.. sori!

Auntie: Frowmanem nao yu ting se yu gat raet blong spolem silip blong mi? Yumi evriwan I gat problem! Ino yu wan nomo!

Gel: Yes be problem blong mi hemi bigwan tru!

Auntie: Ol man oli kam..oli stap talem sem samting! Oli stap long wan bigfala problem! Mi lez!

Gel: Sori Auntie. Bae mi go nao.. [**Hemi girap mo stat blong go bak nao.**]

Auntie: Yu spolem silip blong mi finis! Ale talemaot wanem we yu wantem!

Gel: Oh tru! Tangku Auntie!

Auntie: Mi no talem se mi save helpem yu! Mi no talem olsem nating! Bae yu talemaot problem blong yu festaem.

Gel: Mi stap fraet we..

Auntie: Yu stap fraet long wanem?

Gel: Long kastom man blong mi!

Auntie: Ohh! Yu stap westem taem blong mi! Kastom man blong yu ia! Yu mas tekem hem! [**Hemi stap wokbaot I go nao.**]

Gel: No Auntie! Plis! Hemi wan rabis man stret! Hemi wan yangfala boe nomo, be hemi stap mekem ol narafala I fraet! Hemi stap kilim man blong nating! Sapos we mi maretem hem, bae hemi kilim ded mi ia!

**Macintosh**

**HD:Users:alison:Desktop:WSB.org:SCRIPTS for web:Bae Hem I**  
**Sched? doc**

Auntie: Bae mi mekem wanem? Yu mas maretem hem nomo.

Gel: Oli talem se yu save ol lif we I stap long bus ia! Yu nao yu save hao blong yusum olgeta blong mekem meresin.. o blong mekem majik.. Plis .. bae yu finem wan wei blong sevem laef blong mi!

Auntie: Ino isi olsem.

Gel: Yu no gat wan lif we I save jenjim fasin blong kastom man blong mi?

Auntie: Wan lif we I save stoppem man blong no kilim woman blong hem? Mi no ting.. mi no ting se bae mi save finem wan kaen lif olsem..

Elsie: I mas gat wan lif olsem! I mas gat!

Chorus: Yu stap drim Elsie

Yu stap drim!

Yu no save jenjim fasin blong man

Wetem lif

Storian ia bae ino gat wan gudfala end long hem

Bae gel ia

Ino save finem wan lif we

I save winnim kastom man blong hem.

**[John hemi wokbaot I kam insaed mo hemi lukim Elsie.]**

John: Weam Mummy blong yu? Fromwanem nao hemi no stap wokem kakae?

Elsie: Hemi no save wok. Han blong hem I no gud... Daddy!

John: Olsem wanem? Yu wantem talemaot wan samting? Ale talem?

Elsie: No gat samting..

**[John hemi wokbaot I go behaen long kurtain. Elsie hemi wajem hem. Oli akta oli kam insaed mo oli putum skul bag long baksaed blong hem. Wan hemi kivim wan buk long hem, mo wan hemi stretem hair blong hem. Oli pusum hem I go. Elsie I stap wajem bakdrop kasem taem we oli pusum hem igo. Afta tija hemi wokbaot I kam insaed. Elsie nao hemi stap karem aot skul bag blong hem, mo ol narafala akta oli sidaon olsem ol klasmet blong hem.]**

Tija: Homwok blong yu Elsie?

Elsie: Homwok?

Tija; Yes! Mi bin givim pepa long yu.. long de we yu bin go bak erli long haos. Yu sapos blong anserem ol kweston ia!

Elsie: Mi sori .. mi forget.

Tija; Yu forget?! Wanem I rong wetem yu Elsie! Yu nao bes student long klas ia! Be naoia.. mi no kasem wanem we yu stap mekem nating!

Elsie: Mi sori..

Tija: Mekem wok blong yu naoia!

**[Elsie hemi sidaon. Tija hemi wokbaot raon long ol narawan. Elsie hemi lukim pepa be hemi no mekem wan wok nating.]**

Chorus:

Oli bin rao bakegen las naet

Daddy hemi tok strong long Mummy

Hemi singaotem hem

Woman blong lez

John: Yu stap silip?!

Lisa: Yu kilim mi! Mi no save mekem wan samting nating! Han blong mi ia!

John: Mi no kilim no gud yu! Yu stap lez nomo woman! Yu kam!

**Macintosh**

**HD:Users:alison:Desktop:WSB.org:S  
CRIPTS for web:Bae Hem I  
Sched? doc**

Lisa: Mi no save.. John! No!

John: Yu luk fia ia! Bae mi pusum han blong yu long fia!

Lisa: No John... leko mi.. John!

**[Taem we raorao is I stap go ahed long hed blong Elsie, tija hemi wokbaot I kam.]**

Tija: Elsie! Mi talem finis se yu bae yu mekem wok ia naoia! Be yu stap drim nomo! Wanemi mekem yu?

Elsie: Sori..

Tija: Mi no save wanem blong mekem! Mi stap traem bes blong mi.. be.. yu no wantem harem mi nating!

Akta 2: Sakem aot hem aot long klas tija! Hemi no wantem save!

Tija: Elsie.. ale kam!

**[Tija hemi wokbaot smol wetem Elsie mo ol narafala akta oli go aot.]**

Tija: Elsie.. yu wan gudfala student.. be mi luk se attitude blong yu I stap jenis..

**[Elsie hemi bendem hed blong hem mo hemi mekem olsem we hemi stap kri.]**

Tija: Sapos we yu harem sori olsem.. bae yu jenjim fasin blong yu nomo nao.

**[Elsie hemi go ahed blong kri.]**

Elsie: Daddy blong mi..

Tija: Bae mi no talem aot eni samting long Daddy blong yu. Mi save se hemi man blong fiap ia we..

Elsie: Hemi stap kilim mummy.. hemi bin bonem han blong hem las naet.

Tija: Bonem han blong Mummy blong yu?

Elsie: Long fia.. hemi pusum han blong hem long fia.

**[Tija hemi luk hem. Mo afta hemi wokbaot igo aot. Elsie hemi girap mo hemi folem hem I go aot.]**

**[John hemi kam long acting area wetem wan narafala akta. Oli stat blong mekem wan wok olsem we oli stap wok long haos. Wan narafala akta we hemi polis ia hemi kam insaed. Hemi lukim wan pepa afta hemi toktok.]**

Polis: John?

John: **[Hemi stopem blong wok nao.]** Mi ia nao.

Polis: Kam.... **[John hemi putum daon tool blong hem. Narafala akta hemi lukim John mo polis ia hemi mekem wan sign long hem. Hemi wokbaot igo aot nao.]**

John: Yu wantem wanem? Mi mi stap wok ia..

Polis: Mi karem oda ia... **[Hemi kivim wan pepa long John.]**

John: **[John hemi karem mo hemi lukim smoltaem.]** Oda?

Polis: Bae yu no save go kolosap long woman blong yu blong nexis 14 de. Bae yu no go long haos blong hem..

John: Hoas blong mi!

Polis: Yu no save go long haos we woman blong yu hemi stap long hem.

**[Polis hemi stanap long fored blong man ia.]** Woman blong yu hemi bin go karem oda ia long magistrate...

John: Woman ia hemi wan ..! Bae mi go stretem hem naoia!

Polis: No gat! Woman blong yu hemi karem oda ia finis. Yu no save go kolosap long hem.

**Macintosh**

**HD:Users:alison:Desktop:WSB.org:S  
CRIPTS for web:Bae Hem I  
Gched? doc**

John: Yu no save blokem mi blong no go long haos blong mi!  
 Polis: Yu no save go long haos .. blong yutufala, kasem taem we oda ia I finis.  
 Sapos yu mekem olsem, bae yu brekem loa ia.  
 John: Loa blong weitman!  
 Polis: Loa blong kaontri ia! Yu bin kilim woman blong yu. Hemi bin go long kot, hemi bin luk magistrate, mo magistrate noa hemi bin putum oda ia long yu. Magistrate blong yumi long kot blong yumi.  
 John: Ino stret! Ino stret nating!  
 Polis: Bae yu mekem wanem we oda I talem. Bae I mo gud olsem.  
 John: Bae mi no save go long haos blong mi?! Bae mi go wea?  
 Polis: Bae yu go stap wetem wan fren o wan famili..  
 John: Bae Woman blong mi blong mi hemi save go samples! Ino mi! Mi bae mi go long haos blong mi naoia!  
 Polis: Sapos yu brekem oda ia, bae mi karem yu i go long kalabus.  
 John: Hemi stap giamen! Hemi wantem spolem mi nomo! Woman blong mi hemi stap mekem fulap rabis samting!  
 Polis: Yu nao yu bin kilim no gud hem.  
 John: Mi slapem hem nomo! Yu no wantem harem saed storian blong mi! Yu no wantem save tu! Yu stap saed wetem hem nomo!  
 Polis: Long end blong 14 de ia, sapos woman blong yu hemi strong se yu no kam kolosap long hem, bae yutufala tugeta I mas go luk magistrate! Bae yu save talemaot evri samting long hem! Okay!  
 John: Hemi spolem mi we.. bae mi no save forgetem samting ia! Neva!  
 Polis: Yu luk wanem we oda ia I talem? Bae yu no no kilim hem bakegen. Okay?  
 John: Sss...  
 Polis: Bae yu no mekem eni rabis samting. Yu harem?  
 John: Okay!  
**[Polis hemi luk John afta hemi wokbaot I go. John hemi sidaon, mo fren blong hem we hemi bin wok wetem John hemi kam insaed. John hemi stap tarem pepa ia long smol smol pis.]**  
 Jack: Wanem ia?  
 John: Doti!  
 Jack: Wanem happen John? Fromwanem noa polis ia hemi wantem luk yu?  
 John: Woman blong mi! Hemi ripotem mi! Polis I kivim oda ia long mi!  
 Jack: Wanem ia?  
 John: Bae mi no save go stap long haos blong mi blong nexis 14 de!  
 Jack: Yu stap giamen..  
 John: Woman ia hemi stap mekem mi mi sem! Polis ia hemi bin tritim mi olsem we mi wan kriminal! Bae mi go mek save hem naoia...**[Hemi girap blong go aot nao, be Jack hemi stopem hem.]**  
 Jack: Wet! Wet! No gud yu mekem wan samting mo polis oli surem yu long kalabus.  
 John: Hao nao wan woman I save mekem olsem long man blong hem? Wol blong yumi I stap jenis.. Oli woman oli no gat respek nating!  
 Jack: Yu tru tumas John..  
**[Oli narafala akta oli kam long acting aria mo oli singsing taem we tufala oli stap go aotsaed.]**  
 Singing: Olsem wanem nao?

**Macintosh**

**HD:Users:alison:Desktop:WSB.org:S  
 CRIPTS for web:Bae Hem I  
 Sched? doc**

Man inomo gat raet?  
 Woman I toktok mo man I mas folem toktok blong hem?  
 Olsem wanem nao?  
 Man hem I nomo bos blong haos?  
 Bae inomo gat respek  
 Bae woman hem I nomo mekem wok blong hem?  
 Taem man hemi wantem wokbaot  
 Bae hemi askem tingting blong woman blong hem?  
 Olsem wanem nao?

**[John hemi go aot mo Elsie wetem Lisa oli kam insaed. Lisa hem stap wokbaot antap mo daon long acting aria olsem we hemi stap wari. Elsie hemi sidaon blong wokem kakae. Hemi stap wajem Mummy blong hem i wokbaot.]**

Elsie: Bae I oraet Mummy.

Lisa: Olsem wanem sapos we Daddy hemi kam from mi? **[Hemi stopem blong wokbaot nao.]**

Elsie: Bae hemi no save kam bak long haos Mummy. Polis oli bin givim oda ia long hem finis.

Lisa: Bae oda ia I finis long 14 de.. 14 de nomo.

Elsie: Be yumi gat taem iet..

Lisa: Afta bae hemi kam bak long haos.. Bae hemi kros tumas wetem mi. Mi mi save hem finis. **[Hemi wokbaot smol bakegen.]**

Elsie: Bae Daddy hemi luk save nao.. se wanem we hemi bin mekem I rong.

Lisa: Ating..

Elsie: I mas olsem Mummy. Tija hemi talem long mi! Ol oda ia oli givim janis blong yumi blong kul daon mo tingbaot wanem we yumi stap mekem.

Lisa: Tija blong yu hemi wan gudfala man.

Elsie: Bae evrisamting hemi oraet nao Mummy. **[Lisa hemi wokbaot longwe mo hemi mekem olsem we hemi stap wajem rod blong luk sapos we John hemi stap kam ono.]** Kam sidaon.. Bae mi mekem wan kakae long lanj.

Lisa: Mi no hangri.

Elsie: Yu mas kakae Mummy.

Lisa: Yu wan gudfala gel.

Elsie: Olsem wanem long han blong yu? Hemi so istap?

Lisa: Hemi hanbag taem mi wantem silip.. Mi no harem i so tumas naoia.

Elsie: Fromwanem nao Daddy hemi bonem han blong yu Mummy?

Lisa: Taem we hemi kros olsem, hemi save mekem eni kaen samting. Eni kaen.. **[Hemi stat blong wokbaot bakegen.]**

Elsie: Mummy.. yu tingbaot storian ia?

Lisa: Storian?

Elsie: Storian blong gel ia we hemi no wantem kastom man blong hem. Hemi bin lukoatem olfala woman .. blong finem wan lif.. wan lif we i save jenjim man ia.. blong mekem se hemi no raf olsem bifo.

Lisa: No Elsie.. mi lez.

Elsie: Be mi wantem save wanem we i happen Mummy? Olfala woman hem i finem wan stret lif blong gel ia? Blong mekem se kastom man blong hem ino save kilim no gud hem? Hemi finem Mummy?

Lisa: Ino gat wan lif we i save sevem laef blong gel ia Elsie! Yu no wan

**Macintosh**

**HD:Users:alison:Desktop:WSB.org:S  
 CRIPTS for web:Bae Hem I  
 Sched? doc**

pikinini nao! Yu save wol ia finis! [**Lisa hemi wokbaot i go aotsaed. Elsie hem stirem saucepan we istap long fia. Hemi tingting. Wan boe hemi wokbaot long acting aria. Hemi mekem wan sign long Elsie. Elsie hemi traem no luk hem. Boe ia hemi wokbaot i kam mo kolosap.**]

Boe: Bae mi kam from yu ino longtaem. [**Elsie hemi no toktok.**] Taem we yu kam stap wetem mi, bae yu mekem evri samting we mi mi talem! Sapos yu traem go gensam mi.. bae laef blong yu bae i go no gud olgeta! Mi no wantem wan woman we hemi stap lez! Yu bae yu mekem evri wok long haos! Mi wantem se aria blong haos hemi klin gud, mo kakae blong mi hemi redi long taem! Yu kasem mi?

Elsie: Yu wantem wan slev nomo. Yu no wantem wan woman.

Boe: Yu talem wanem?

Elsie: Mi no wantem wan man olsem yu! Yu bae yu no save lavem woman blong yu! Yu wantem bos blong haos nomo! Go lus! Mi bae mi no save maretem wan kaen man olsem yu!

[**Boe ia hemi lukim Elsie mo hemi wokbaot i go. Be hemi stap fesem Elsie oltaem, taem we hemi stap go aot. Lisa hemi kam insaed long nara saed stage.**]

Boe: Be mi mi strong.. mi naes tumas.. fromwanem nao yu no wantem mi?

Lisa: Wanem ia Elsie? Hu istap long ples ia?

Elsie: Ino gat man Mummy..

Lisa: Mi bin harem yu yu toktok.. Yu stap toktok long hu?

Elsie: No gat man Mummy! [**Hemi pikimap saucepan we istap long graon mo hemi wokbaot i go aotsaed. Lisa hemi stap wajem hem afta hemi tu hemi go aot. John hemi kam insaed wetem wan akta we hemi stap plem jif. Jif hemi gat wan stik mo hemi mekem olsem we hemi olfala litelbit. Wan narafala akta hemi kam insaed wetem hem, be ino tija ia.**]

John: Ino stret Jif! Wanem we woman blong mi hemi stap mekem hemi rong!

Jif: Slo daon litelbit John..

John: Mi harem se mi kros tumas! Sapos oda ia ino stap, bae mi go mek save hem nao ia!

Jif: Sidaon! Sidaon... Mitu mi no glad long wanem we hemi bin mekem! Mi nao mi stap blong del wetem ol problem long komunity ia!

Jack: Ol woman oli kam evri de, evri de blong komplain se man blong ol I stap kilim ol, ah jif?

Jif: Oli stap mekem hed blong mi I raon.. Mi lez finis! Be! Hemi wok blong mi! Mi no save fromwanem nao kot ia I wantem pusum nos insaed!

John: Kot! Polis! Oli no gat bisnes blong talemaot long yumi wanem we yumi save mekem long haos!

Jack: No gat!

Jif: Woman blong yu hemi bin go ripot long polis.. afta polis oli bin kam from yu?

John: Hemi bin go long wan magistrate!

Jack: Yestede nao mi bin lukim hem I wokbaot.. han blong hem I bin stap long wna kaliko..

John: Hemi bin raetem wan ripot we hemi bin givim long magistrate ia.. Wan ripot! Woman blong mi hemi no save raetem ripot! Hemi no save raet

## Macintosh

**HD:Users:alison:Desktop:WSB.org:S  
CRIPTS for web:Bae Hem I  
Sched? doc**

nating! Hemi X long saed ia!

Jack: Be..

Jif: Taem we wan woman hemi kros, hemi save tok tok! Ol woman oli stap kam luk mi.. oli talem se man blong ol I givim blak eye.. I kilim ol..i katem ol wetem nif! Oli stap komplain gogo! Ino gat end..

John: Wan man I bin behaen long hem! Sapos hem nomo, bae hemi no save mekem ripot ia!

Jack: Ating tija blong skul ia.

John: Wanem?

Jack: Mi bin lukim tija ia hemi wokbaot wetem woman blong yu yestede...

Jif: Mi no ting se..

John: Sapos we hemi kam long ples ia.. bae mi..

**[Tija hemi wokbaot ikam insaed.]**

Tija: Olsem wanem olgeta?

Jif: Hmm.....Mifala I stap tokbaot problem blong John ia.. Ino gud nating!

Tija: Ah yes..

John: Yu save wanem we I bin happen long mi?

Tija: Mi harem smol..

John: Yu harem olsem wanem?

Tija: Ol man oli stap tokbaot. Yu save nomo. Wan smol samting bae I happen be ol man oli mas tokbaot.

John: Yu nao.. **[John hemi stap stanap nao.]**

Tija: Wanem?!

Jack: John! John! **[Jack hemi holem taet John.]** Yu no fiap tumas!

Tija: Wanem I rong?

Jif: John hemi ting se wan man I bin helpem woman blong hem.. blong mekem oda ia. Protekson oda we I stap stopem John blong no go bak long haos blong hem.

Tija: Protekson oda?

John: Talemaot! Yu bin helpem hem blong raetem ripot! Talemaot!

Tija: Okay.. mi ia.

Jif: Hao nao yu save mekem olsem?! Yu wan man.. Afta yu wantem saed wetem ol woman!

John: Yu spolem mi wan taem!

Jack: Kakae rat.

Tija: Wet smol! Lisen! Bae yu harem fromwanem nao mi bin helpem hem.

Jif: Yu sud kam luk mi! Ino go long magistrate!

Tija: Bae yu kivim janis long mi blong toktok ono jif?

Jif: Ale toktok! John! Yu bae yu sidaon mo lisen!

**[John hemi sidoan be hemi kros istap.]**

Tija: John.. gel blong yu hemi studen long klas blong mi. Ova long ol manis ia, mi luk wok blong hem I go daon we I go daon. Hemi stap long klas, be hemi no save mekem gud wok blong hem nating. Hemi no stap lisen long toktok blong mi...

John: Hemi stap lez nomo!

Tija: Mi bin tingting olsem. Kasem de we hemi no bin mekem homwok blong hem nating. Taem mi talem long hem blong flatem wok blong hem long klas ia, be hemi no bin mekem wan samting nating.. Mi bin kros tumas wetem hem. Mi bin tok strong long hem.. hemi bin kri. Hemi bin talemaot

**Macintosh**

**HD:Users:alison:Desktop:WSB.org:S  
CRIPTS for web:Bae Hem I  
Cahed? doc**

long mi wanem we I stap happen long haos.

John: Hemia hemi long haos! Ino bisnes blong yu!

Tija: Mi stap tijim hem! Hemi stap tingbaot wanem we istap happen long haos oltaem! Hemi no save mekem skul wok blong hem! Yu ting se yu save kilim woman blong yu long fored blong ol pikinini mo ino gat efek long hem? Yu ting se bae ol pikinini oli no harem no gud?

**[John hemi hangem hed blong hem. Jif mo Jack oli lukim John noa.]**

Tija: Long naet bifo we hemi kam long skul yu bin holem han long Mummy long fia.

Jif: John!

Jack: Pusum han blong hem long fia? Yu krangke!

John: Ino mi nomo we istap kilim woman! Yu stap kilim woman blong yu jif!

Jif: John..

Jack: Ino gud nating..

Tija: Mi karem fom ia mo mi helpem Lisa blong fulumap. Afta mitufala igo long magistrate. Mi no bin ting se bae mi mekem fasin olsem .. bae mi helpem wan woman blong yusum famili protekson oda ia.. be mi nomo wantem sapotem vaelens long famili we I stap spolem ol yangfala blong yumi. Mi no wantem.

Jif: Mifala ino stap saptonem fasin ia tu..

Tija: Ino tru jif. Yumi save se fasin ia I stap go ahead, be yumi no mekem wan samting nating. John.. mi nao bae mi talem stret long yu. Yu gat 14 de blong tingbaot ol rabis fasin we yu stap mekem. Yu gat 14 de, blong traem luk save fromwanem nao fasin blong kilim woman ino gud olgeta.  
**[John hemi girap. Jif, Tija mo Jack oli lukim hem. Oli stap lukim hem olsem we oli kros mo afta oli wokbaot igo aot.]**

John: !4 de.. be mi no ting se mi nao mi bin mekem eni samting I rong! Ino mi!

**[Lisa hemi wokbaot ikam mo han blong hem istap long kaliko. John hemi luk hem mo hemi stap sem. Jif hemi wokbaot I kam, mo hemi lukim tufala mo sek sekem hed blong hem. Elsie hemi wokbaot I kam mo hemi lukim Daddy blong hem.]**

John: Elsie.. mi no bin minim! Mi sori!

**[Elsie hemi no luk hem mo hemi wokbaot igo.]**

John: Mi no bin ting se hemi rong..

**Macintosh**

**HD:Users:alison:Desktop:WSB.org:SCRIPTS for web:Bae Hem I**  
**Sched? doc**